

## AUGLÝSING

um breyting á reglugerð fyrir vatnsveitu Hríseyjarkauptúns,  
nr. 88 18. júní 1942.

128

26. sept.

1. gr.

3. gr. reglugerðarinnar breytist þannig:

Í stað orðanna „þeim er vatn nota“ komi: sem vatni er veitt að.

2. gr.

4. gr. falli burt, og í staðinn komi ný grein, sem orðast þannig:

Fyrir verksmiðjur, frystihús, sláturhús, saltfiskverkunarhús, baðhús, þvotta-  
stöðvar, hreyfivélur, iðnaðarfyrirtæki og til annarrar slíkrar notkunar, er vatnsveitu-  
nefnd heimilt að ákveða vatnsskatt með samningi við hlutaðeigendur. Náist ekki  
samkomulag um upphæð skattsins skal hann innheimtur með mæli. Greiðist þá af  
ársnotkun 5.00 kr. fyrir hverja 100 hl. upp að 10 þúsund hl, en minna fyrir það, sem  
umfram er, eftir nánara samkomulagi.

Vatnsveitan leggur til mæla, en notendur greiða hæfilega leigu eftir þá.

3. gr.

Aftan við 6. gr. komi ný málsgrein, svo hljóðandi:

Þó verði aldrei greiddur meira en hálfur vatnsskattur af þeim húsum, sem ekkert  
vatn nota.

4. gr.

7. gr. breytist þannig: Í staðinn fyrir „50%“ komi: 100%.

Reglugerðarbreyting þessi staðfestist hér með samkvæmt vatnalögum, nr. 15 20.  
júni 1923, til þess að öðlast gildi þegar í stað og hirtist til eftirbreytni öllum þeim,  
sem hlut eiga að máli.

*Atvinnu- og samgöngumálaráðuneytið, 26. september 1946.*

**Emil Jónsson.**

*Páll Pálmason.*

## AUGLÝSING

um breyting á gjaldskrá fyrir vatnsveitu Hríseyjarkauptúns,  
nr. 89 18. júní 1942.

129

26. sept.

1. gr.

15. liður breytist þannig, að í stað „7.20“ komi: 10.00.

17. liður falli í burtu, og nýr liður komi, svo hljóðandi:

Fyrir afgisun og útvötnun á tómunum tunnum greiðist kr. 0.15 á tunnu.

19. liður breytist þannig, að í staðinn fyrir „kr. 15.00“ komi: kr. 30.00 og í staðinn  
fyrir „kr. 10.00“ komi: kr. 20.00.

2. gr.

Nýr liður bætist í gjaldskrána, svo hljóðandi:

Fyrir vatn til þvotta á sildarplani og sildaráhöldum greiðist kr. 0.15 á tunnu.

- 129 Gjaldskrárbreyting þessi staðfestist hér með samkvæmt vatnalögum, nr. 15  
26. sept. 20. júní 1923, til þess að öðlast þegar gildi og birtist til eftirbreytni öllum þeim, sem hlut eiga að máli.

*Atvinnu- og samgöngumálaráðuneytið, 26. september 1946.*

**Emil Jónsson.**

*Páll Pálmason.*

- 130 Staðfesting forsetans á skipulagsskrá fyrir „Minningarsjóð Svöfu Jónasdóttur,  
27. sept. Jóhannesar Þorkelssonar og Ásu Jóhannesdóttur frá Fjalli í Aðaldal,“ útgefin á venjulegan hátt að mandatum af dómsmálaráðherra 27. september 1946.  
Skipulagsskráin er þannig:

## SKIPULAGSSKRÁ

fyrir Minningarsjóð Svöfu Jónasdóttur, Jóhannesar Þorkelssonar  
og Ásu Jóhannesdóttur frá Fjalli í Aðaldal.

### 1. gr.

Sjóðurinn heitir Minningarsjóður Svöfu Jónasdóttur, Jóhannesar Þorkelssonar og Ásu Jóhannesdóttur og er hann stofnaður af eftirlifandi börnum þeirra Fjallshjóna, Signýju, Helgu og Þorkeli, og tengdasyni þeirra, Oddi Ólafssyni, til minningar um þau og dóttur þeirra Ásu.

### 2. gr.

Stofnfé sjóðsins er 8000 — átta þúsund — krónur, sem lagðar hafa verið í Söfnunarsjóð Íslands til geymslu og ávöxtunar. Sjóðinn má auka með gjöfum og framlögum, en auk þess leggst einn hundraðshluti árlegra vaxta við höfuðstólinn.

### 3. gr.

Árlegum útborguðum vaxtatekjum sjóðsins skal varið til eflingar skógrækt og iþróttastarfsemi í Aðaldælahreppi, eftir nánari ákvörðun sjóðstjórnarinnar hverju sinni.

### 4. gr.

Stjórn sjóðsins skal skipuð þremur mönnum. Stofnendur sjóðsins tilnefna einn og sé hann formaður stjórnarinnar. Annar skal kosinn af Skógræktarfélagi Aðaldæla, en hinn þriðji af ungmennafélagi sveitarinnar.

Þegar stofnendur sjóðsins eru frá fallnir, eða óska ekki lengur að nota tilnefningarrétt sinn, skal hreppsnefnd Aðaldælahrepps velja stjórnarformann sjóðsins. Stjórn sjóðsins skal kosin til þriggja ára í senn.

### 5. gr.

Stjórn sjóðsins skal halda gerðabók um, hversu fé sjóðsins er varið hverju sinni, og varðveita eignaskilríki hans og skjöl, er varða hann og starfsemi hans. Árlegan reikning sjóðsins skal sjóðstjórn senda sýslunefnd Suður-Þingeyjarsýslu til endurskoðunar og úrskurðar.

### 6. gr.

Leita skal staðfestingar forseta Íslands á skipulagsskrá þessari.